

復
初
齋
詩
集

復初齋詩集卷第三十一

大興 翁方綱 正三

晉觀稿四

乙巳六月
至十二月

蘇潭歌寄蘊山

謝郎昔居蘇步坊嶺梅寄我關山長我度嶺南君在北
每託蘇句懷聯牀及我北歸席未暖君又南去官丹陽
戊戌訪我寶蘇室壁窠爲爾拈瓣香明年秋共徽山宿
夜話此約何時忘彈指七春不相見君始卜築於西昌
前言果踐潭半畝潭上楊此鏤琳琅對石懷人尋舊夢
倚欄照影踟躕望念我蘇齋風雨夕竹窻梧葉同初涼
玉局散仙千載上宣城太守天一方空潭無雲寫圓鏡

明月一印千燈光知我四壁寂何有但有篆裊茶甌旁
磨墨分襟論臭味唾壺擊節增仿傚畏我友朋真實語
寸心得失誰評量但要此心息壞在何限石蜜冰盤霜
因流溯源道豈遠飲水知味飢何妨吾齋年來舊侶少
就思旁訊空茫茫常恐小安一藝未便爾辜負千酌觴
吾友亦到知非歲寸陰共矢勤就將何論官舍與僑寓
日日千里如同堂

文休承虎邱圖

煮茶聽雨還汲泉嘗聞弁州題石田文水又出石田後
勝攬何減於前賢自畫自題云再至乘春待月復幾年
墨渝絹敝字又缺捫讀但有蒼蒼烟短簿祠荒古苔積

小吳軒側曲磴連中含溪澗石對峙得非劒池遺迹傳
想與包山白陽輩懷人同上北部船磬頭青綠亦已屢
禿筆折到浮圖巔恐是和州晚歲作每於老勁含清妍
遊人也也指點處山光下上招携然疎鐘往往隔溪響
佛燈何處層林穿嘗於摩碑憶魯國不止對酒懷樂天
看碑每憶顏刑部對酒難忘白侍郎休承虎邱句也清遠詩刻時尚在後此別蘇
尋無緣我夢經臺與鶴磯欲假香瓣來參禪二承家法
擅茂苑六朝粉墨留山川花香水翠皆篆籀忍作絲螭
飛翩翩襍裝十稔古香在模糊隱映神逾全竺道人來
證前語但覓石皴相迴旋

山谷詩集任史注本方綱所按上者今始得讀

官刊本有感書後

青神天社四十卷不得合併三百年每與彭朱證前諾

彭學士鏡瀾宋編誰追洪李記同編練緇東觀今成軸

風雨西江昔泊船拜像焚香恰茲日丙申六月十二日

為此校本是日先生生日也去年獨憐題帙思茫然焚香於先生像前

題周載軒所藏董文敏書莊子說劍篇墨迹卷

自王漁洋舊藏者前圖已失去

李泰和法說劍書是卽吳興說劍圖峻嶒戰掣擲押勢

那論謝女兼秋胡胡爲華亭若有憾曹衣吳帶紛區區

當時劍服變儒服安得隱逸傳形模漁洋詩君王隱逸各有態君王隱逸

實用董精神炯炯在阿堵目瞬千里軒眉鬚上決浮雲

跋中語

帶山海安坐定氣遊沖虛石城之鋒岱之鏐漫云千莫
與湛盧說餘千劫用不盡劒光百變圓如珠僚九裴舞
一機軸趙書周畫奚別乎此畫飛同豫章劒此理試訊
將軍厨吳興華亭一邪二新城空爾勞歎吁賤子補書
亦多事會心豈必緣操觚品量平原與北海方圓橫直
非臨摹三百年來誰具眼能事甘向華亭輸使筆如劒
劒氣出新城已悟文字初

英光堂殘帖歌

幼卿譜帖淳祐間寥寥絳汝麤一斑相臺名家寶章集
豈比羣玉喪于韓山林舊集一百卷倦翁紹定重題端
十年潤州事羽檄六朝遺跡胸迴環江左書家溯晉始

山陰筆法嗣者難獨推米蹟壯南渡英光萬古神鬱蟠
齋曰寶真實寶晉品自義獻來崇觀跋贊誰從甲編訂
鑒賞不負寅哥歎故人爲訪甘露畫記我考索深林巒
倦翁昔探海岳址晉唐羣木悲江湍古今俯仰一憑眺
仗爾筆墨留江山筆縱神來宛如覲墨渝紙敝猶未乾
元氣蒼茫動真宰紫金大海吹迴瀾吾意米書未遽爾
恐是相臺清淚潛磊磊忠孝在天地墨華激響流潺湲
江郎示我殘拓本儼對墨戲橫江灘研山之圖儻可補
玉蜍一滴渾未殘蘇米齋中識真面明月下照鮫珠寒

黃石齋畫松卷歌

石齋畫松十八株北京南京歛與吳建康林屋吾弗考

峯影迢迢落半江
溼雲橫處鳥來雙
誰凭萬綠開溪閣
烟雨中間下竹椿

程易田以所製禮堂寫經墨寄惠賦此奉謝兼
呈未谷

未谷昨寄禮堂圖
易田新造禮堂墨
我今復寫禮堂詩
三者相因著而黑
古人喻學或原委
積力之勤留竹帛
史籀虹紳垂石鼓
中郎聖帚騰飛白
鄭君用意蓋不爾
實審羣書爲祛惑
平生詁義匪目論
當日如何寫心得
楊南仲篆張參楷
尚將什一存千百
每持石本互參詳
易田未谷同歎息
此事更將誰委歟
日用飲食需孔亟
三椽蓬茅儻可共
六書甘苦期同役
講堂論堂容膝足

九螺點漆千金直寄詩酬程墨酬桂久要誓取言不食

唐司業張參定五經書
於論堂之壁見通鑑注

小松寄朱龜碑來屬爲跋尾且曰能使秋史手
摹一通寄蔗畦郡伯更佳勝也題此索秋史和
兼寄蔗畦

夜雨挑燈泥小歐廣陵泐字莫深愁清香畫戟簾鉤月
老守時時夢亳州

憶泉圖爲朱淵亭編修題

翰林家居二泉間誰華日日開烟鬟憶泉併憶臺與屋
十年宦學胸迴環時有黃華菊通夢君有夢菊圖未卜柳絮
條誰攀詩禮庭前脈迤迤芝蘭砌下淙潺潺族子阿青

爲誰思酒醒忽共馳鄉關寒蛩秋燈隔籬落幽禽春渚
深蕙蘭兒時伊吾聲在耳團團舊話清淚潛圖成十年
阿青逝對牀萬緒此一斑我昨題詩秋史卷二十四泉
茅屋灣不知君家泉遠近昔賢想像屢往還鷗館秋聲
大好在千里月挂蛾眉彎跳珠濺玉三萬斛試寫詩券
來蓬山

黃華柳絮二泉名
紅鷗秋聲二館名

國山碑歌寄吳槎客

天璽碑訪江寧學恨未國山捫石角六秋夢訊善卷僧
去歲全文如剖璞何意今晨眼忽明依稀千字光斑駁
侈陳符瑞彼何人連歲鏤山事礪斲讀之若披瑞應圖
百寶千祥來海嶽時焉口踏不成串禾穎榛叢互抽擢

東觀令史蘇建書立信中郎考之確兔牀山人綜羣籍
大梁雪客慙相較置我荆溪張渚間斜陽古木幽禽啄
蘇建名曾皇賀倫篆書法苦周秦卓牛鬼蛇神莫漫譏
螯伸龍護隨瑯瑯瑣事於蘇雖傳會休明之派誰揚摧
變來圓轉漸整齊小東鋒芒斂刀稍我因悟寫春秋卷
象謂皇于蔡石經雙比鼓二京金石附孫吳陽羨江寧兩
掎換諂謔笑罵俱何有但愧鉤摹豪管搨山人兼寄碧
鮮字蜨化綵雲飛撲撲國光米廩氣蒸空斗斛量珠已
盈握

卽墨張肖蘇以其鄉所產紅稻見餉走筆爲謝
誰尋百藥傳記譜一如亭遠夢來鄉味長箋到食經匙

翻珠比滑湯。瀹酒初醒。大海蒸秋氣。齊烟九點青。

吳超亭宰陝西鎮安以計薦入都賦贈

關西茂績繼江西。吳下元同日下栖。千里松楸來薦豕。
對牀兄弟感聞雞。政聲所以能崇實。詩格如何肯放低。
視我情親逾骨肉。茆齋冷共菊花題。

漢建昭鴈足鐙歌爲王述庵臬使賦

并序

述庵以所得漢銅鴈足鐙。款拓本見寄。其槃底云建昭
三季考工。工輔爲內者。造銅鴈足鐙重三斤八兩。護津
佐博。嗇夫福掾光主。右丞官令相省中。官內者弟五。故
家其側云。今陽平家畫一至三陽朔元年。賜其足云。後
大廚凡六十一字。愚按此鐙與揚州馬半槎所藏形式

相埒而徑圍稍弱半槎所藏者予嘗見其拓文中間云重三斤十二兩以今所見此文云三斤八兩正足驗漢代權量相去不遠而厲樊榭詩注乃云四斤十二兩蓋誤三爲三矣末云護工卒史不禁省此七字爲句其下又云某宮內者第廿五正與此鐙中宮內者第五之文相應而樊榭誤以某宮句與前一行連讀遂訛省爲首又誤牽薛尚功鍾鼎款識所載蒲反首山宮銅鴈足之文不知彼文自在永始四年與此無涉而樊榭是詩直據蒲阪之事而詠之謬矣蓋半槎所藏者銅質半蝕拓文隱約難辨遂致省訛爲首卒訛爲衣耳考漢孝成鼎云守令史永省又大官壺云主太僕監掾蒼省又綏和

直云主守右丞同守令寶省蓋省乃省察之義猶漢碑
察書察字也今得是鐙字字完好而且造於建昭三年
賜於陽朔元年一器之中有西漢字二段尤可寶也爰
作歌以報述庵不特糾正樊榭詩也

厲徵君詩內者銘我見拓文未見鐙君今爲拓鐙款寄
使我砭誤心怛怛甘泉泰時修故事河東后土屢薦馨
初元以後間歲舉不獨涓選更匡衡誰歟傳會首山祀
荆山之鼎朝萬靈賈慶造鐙在永始不合牽引來竟寧
昔屢疑之未敢質得此款記尤可憑其槃規旋徑稍弱
漢權漢尺原相乘底曰建昭側陽朔故家畫一於陽平
前鐙後識歲一紀八分小篆絲迴縈歐公恨少西漢字

今乃一器雙妙并陽朔之題更圓勁元尚急就篇初增
半槎所藏字半蝕幾被亥豕紛訛承孰如此鐙底瑩澤
燦若列宿捫生稜劉敞裴煜不可作林學蓮勺誰能評
我詩不憚諍樊榭君藏庶可追廬陵

董文敏仿巨然小幀

時時樹鱗山坳裏覓得先生善者機王畧雲臺無別法
石泉松葉點人衣

元崔某

艸書似永汝二字存以俟考

爲吳子才題菖蒲庵詩

并序墨迹宋芝山得於瑠璃廠肆其畧云新城
□子才號菖蒲庵凡得當今名大夫詩文若干
首予知其爲好慕恬淡所欲易足不馳心于聲

利之人也君今年五十不踐迹諸侯之門日訓子弟讀古人書通曉道理頗以文墨自居菖蒲艸木中小物也於此君得其名亦無愧焉况復有子景長善畫能詩予益異其人故爲詩以書庵之左方青青水中蒲不同艸木腐有如君子德當與金石固其根鍾雨暘其葉秀風露挺爾不拔姿豈被輕柔妬作詩高其風勿使泥塗汚十六年丙申夏五拙庵崔□□書於俞崗村隱居往在壬寅春芝山於友人處持元紫簣生李升爲携李吳子才寫菖蒲庵圖卷屬予賦詩卷後題者一十七人當元末共燹之餘而其子景

長惓惓於是圖題者自至正丙申迨洪武戊申
於其子之得守是卷三致意焉是卷既不可復
見今三載餘而芝山復得丙申崔君之題別裝
於冊來屬題予因憶前詩爲補書昔人軼事并
和崔詩韻

昔讀季生畫今見崔君賦緬彼庵中人抱節守貞固玉
山金蘭間盆池飫風露題季兼和崔且莫泉石妬尺牋
四百春慎惹寒具汗

江秋史得東坡章子厚帖將勒之石密雲道中

賦寄兼呈丹叔石公芝山

章子厚有唐人石刻本與此無異而字畫

加豐肌骨相稱乃知石刻常患瘦耳元祐四年十月十五日子瞻書凡四十二字

章子厚帖己巳年四十二顆驪珠圓我從周家篋中見
惝恍記在十載前時甫購得嵩陽帖眼空萬古無米顛
十笏蘇齋海天濶區區那許爭墨緣邇來俗書坐眼底
晚香堂刻眉公傳馬券蹟還勒嘗熟嵩陽帖又摹馮銓
嘗憾書家少唐刻此意已難語宋賢況復坡書擅濃墨
黍珠每聚于畫邊吾藏嵩陽正如此風落電轉光迴旋
其中又自間濃淡縱有巧手難鈎填坡書雖似徐季海
得法本自王僧虔出林飛鳥想詡詡素絲蝴蝶饒翩翩
春蚓秋蛇久不擇玉環飛鸞當誰憐玉靈自釀液可食
指痕要悟琴非絃是秋重來聖湖上十五年夢跳珠濺
前生手書合省記宿逋追寫非畫禪大書石壁竟何有

危橋飛步奚後先酒醒却笑章子厚扶苓爐火何曾仙
昔援杜句題墨妙聊借唐隸窮姁妍二京書迹並銅甬
一髮鐵線如貨泉韓勅碑於古無匹中郎後漸肥相沿
所以開元溯李蔡下視魏晉皆蹠筌迨乎唐後殊不爾
三真六艸難兼全書者意常出法外刻者此妙何由宣
淳化大觀極豐贍後來細削如蠶眠佳刻必肥乃復古
俗工窘幅徒拘牽骨足撐肉肉冒骨是中有物非言詮
亦惟坡公力能到胸次浩浩純乎天先生此帖實自謂
守駿以跛精而專但恐一刻又傷瘦執柯睨視俄天淵
古香樓刻聽雨刻得失增損夔憐虻蒲陽宋珏弗深辨
荔支飽喫空流涎

荔支帖後摹刻此段刪去庶
人二字誤爲跋蔡君謨書

江郎借

爾夢中思相追把袂同拍肩九霞空洞來響答靈音試
證然不然他年嵩陽終勒石稽首笠屐衣裳褰毗耶居
士新偁子莫認天女來磨鉛

宋芝山爲潘毅堂畫六松圖二首

宋生久借潘生榻臨別圖成六樹松三疊迴環餘響籟

四方上下想雲龍心依粵圃寒仍綠

六松是毅堂家園名

篆仿秦

碑翠更濃

二君皆喜摹古印

不有倪迂感君子爲誰清夢遠千

峯

倪雲林有六君子圖

南嶺中條各倚筇鶴飛同聽一樓鐘爾緣石丈盟三友

我憶坡公榜六榕手植漸看青合氣歲寒能記昔相逢

欲添苔逕邀然圃似答秋濤和小松

昔黃小松南歸與無軒毅堂同用松

字韻賦詩贈
行故及之

時帆授庶子賦贈二首

官坊故事並頭廳嘉話司成過五丁敬以臣名承渥澤
長如

帝錫作箴銘

新改名法式善
上意也

玉河橋水春初到

十月一日到任

端範堂筵菊正馨北郭迴看槐雨處四門多士待研經

祝其爲
祭酒也

舊學商量三十年過庭詩禮賴人傳實聞蚤譽推敦厚

不獨春華借簡編師又承師敢誇詡庶須讓庶有班聯

庶不僭庶
詞苑舊語

自今官廨挑燈夕何減從前力研田

乙巳仲秋始以所藏化度真本摹勒入石賦詩

記之

敢將洛下搨肩行聊當章家石未亾慙愧小齋秋雨綠
窻光日日笑塵忙

陳怡亭明府以左太沖竹柏得其真詩句自寫
小照明府爲海寧文勤公從弟而此圖久失去
明府之孫煖復得之來求詩二首

柏石譏韓果是非此圖端擬左思譏依然陳氏傳之久
來證蘇齋解者稀春雨蕭森開竹戶晚風聲磬挂練衣
圖陰海氣苔岑綠未要論心付釣磯

黃閣清風竹素存鄉園共被誼尤敦連枝雨露霑濡近
晚節冰霜氣味論挿架圖書充老屋傳家忠孝到諸孫

蘭階更要深培植每憶犁鋤念本根

徐潭族子爲予畫坡書蔡詩天際烏雲舍雨重
樓前紅日照山明二句詩意并繪坡公像於其
上鈍夫見而愛之遂輟以奉贈時鈍夫將之湖
南因賦詩題於軸以爲餞

我購茲帖時楊生同賞識有如昌黎丹篆夢一笑孟郊
心莫逆前秋鄭雨亭北上卷重觀蘇齋相對禪榻烟却
恨楊生遠相憶雨亭昔爲此帖媒徐潭昨爲此帖壽我
因徐潭懷謝生何啻日對楊生話我思坡公當日作此
書蔡公夢裏雲山樓日情模糊嵩陽居士定誰謂將謂
楊生與我乎奎章閣老曾題句南岳真人記相遇與君

結得庾嶺緣贈君携往湖南去

讀王逢原廣陵集呈石君前輩

因君一聽彈廣陵兒時氣味來秋燈碧海鯨魚掣不得
虛空驟駢跨或能君時浮雲奮馳簡我亦前輩隨飛騰
邇來芟翳步就坦時復聳立中含稜竒哉嘉祐詩廿卷
譬如華隼凌千層韓豪頗帶孟郊苦匠石誰識臨川稱
臨川崛起濟時會慨然舟楫謂可勝瑚璉階墀非褻翫
梗枏梁桷方時乘欲尋微言相感發豈止傑句供鈔謔
山陂江渚送目處碧天斷靄追秋鷹萬古竒氣要收拾
六經根柢同服膺所以雁湖慨知己切劘之義常兢兢
韓孟逕途豈止此同學漫擬王與曾萬丈光芒定何物

妙喻試叩鍾山僧

鈍夫來話別同觀天際鳥雲帖題于徐潭畫軸
之側五疊前韻

藥洲西舍西廊下暉紙摩挲夜到明海綠搖窗誰畫得
低回一十八年情

我夢三秋庾嶺翠君思萬點蜀山尖催詩野寺重陽過
聽雨蘇齋蠟燭添

風雨同岑歲月驚霜皐老鶴刷毛翎飲泉鑒面非文字
此卽坡公內景經

欄邊旭景澹餘紅纔接春陰又不同難得徐潭爲摹寫
飄然筆落有仙風

日日臺端萬斛塵洞天花藥爲誰春分明一掬蘇潭水
照見平生竺道人

徐潭蘇潭若箇邊南閩海浦西江船水如人意玳瑁邊
山作筆峯眉黛娟

楊生入蜀憶坡翁更想芝亭嘯詠風悵悵故家巴縣在
誰搜遺藁暮山中

鈍夫說在蜀中有巴縣虞某者來謁自言文靖後裔其家尚有手蹟比其

歸取之而鈍夫已去蜀至今爲耿耿於懷也

停雲玉磬寫精蘊一笛空江客共論恰似鶴飛來有信
爲傳鴻爪印留痕

今日與鈍夫看帖題畫適有四明郭君携文衡山赤壁圖卷來求題因併

之及

漏舟此去亂春華衡岳雲開句定誇袖有眉山真面在

洞庭新月滿長沙

文衡山赤壁圖王雅宜書赤壁賦合卷爲邛東

河郡丞題

雅宜題云
戊子六月

蕭寥西蜀思繾綣東吳彥鏗然玉磬響儼觀坡翁面夢

中飛空仙素羽照江練四百四十年

元豐五年壬戌至
嘉靖七年戊子

倏過如飛電江山英靈氣文采又一變韓韓辛夷館蒼

蒼石湖院猗彼娜如子長離翹芳甸英名盛一時南省

方七戰借酒吸明月可漱不可嚙雪堂萬丈光噴薄來

變眩維時衡山翁歸來初息趺築室哦雙桐信宿共游

衍豈必赤壁乎卽此湖山眇一縷江東雲蕩出空青片

坡與二客貌君從何處見一笑到蘇齋孤鶴乘風便東

河磊落人南嶺留題徧墨花捲大海知我辦香薦橫空
長笛聲繚繞青山轉別寫坡公真不落楮與絹

壬辰十月十三日裕軒學士摘葉題詩招同坤
一詹事辛楣學士飯於菜香艸堂予裝其葉爲
冊一時和者甚衆其後每值秋晚邀同人小集
或摘落葉輒粘於冊今年裕軒逝矣展冊懷人
而丹黃如故也題此泫然去裝冊時十三年矣
乙巳十月十三日

王猷竹所開門款庾信淮南落葉悲今日開緘重相憶
焜黃野圃日斜時

程青溪江山臥遊圖

臥遊語本宗少文澄懷何境觀何因丈夫胸次可萬里
四丈之紙焉比倫況於禪味契蓮社那無三昧叅妙門
青谿侍郎起荆楚六法文董該崔陳禿筆江山想雄放
前無依附旁無鄰輕舟隱隱下天際雲氣浩浩連海垠
波濤蕩汨島嶼斷日星吐納魚龍奔若非良常泄原澤
定爾赤岸通青旻今觀此畫殊不爾涉江背郭開烟村
小橋人家可沽酒短篷斜日來釣緝初從層林轉飛磴
漸就古剎圍叢筠山根忽擁石厂出水閣正俯溪流分
幾稜稻田映碧澗三椽書室依清鄰杖藜携伴者誰子
詩酒社友漁樵賓結廬不獨入境邇觀微宛卽跬步存
始知此事無遠近恒河積筭從由旬侍郎結願五百軸

處處拈得皆天真或言中有書卷味又云艸勢爲斧皴
侍郎昔評宋元法疎密不關形勢勻信乎峻拔爲之主
渾以天造非由人翛然意行自起止收視返聽歸本根
是乃斗室遊八極膚寸五岳擗囊雲枝枝節節覓囊本
辟支恐未離聲聞虛空決滌但一氣風落電掃如有神
縮之几案本無物何處月戶揮雲斤詩成雷碾作奇響
耳邊三日風濤吞

予曩考落水蘭亭流傳世系至正間在分湖陸
氏家而不知陸爲誰某嘗與吳中張瘦同往復
唱和題於予摹本卷內今考之是吳郡陸隱君
行直也附書於卷再用前韻二首

壺天日月爲誰長東武亭侯卷並藏十二奇峯何處認

虎賁元未是中郎

陸氏所藏鍾太傅季直表以愚審定蓋非真也

千年一卷託蘭盟何異彘齋證子明響揚借君聯臭味

致和齋舫倍關情

壺中天致和齋皆陸氏居也

王稚子闕舊拓本爲黃秋盦題

安陽亭西薦弦歌永初詔誦絲五紵異哉充公考維水
不知樂府從孝和西川千年紀循吏柱天雙闕高峩峩
大書特以郡表縣官闕次敘無差訛當時記實非一語
八分字字軒騰波績畫之工邁顧陸武梁何足煩摩挲
劉君米芾書畫友目視犀笋不足多近者漁洋役車駐
尚剔墨石加研摩惜哉此拓前百載黃君

名翼聖字子羽躑躅

空山阿匆匆弔古摸未盡留此悵結情則那幾秋二闕
失其一闕字半泐遑論它前者馳訊陳廉使碑陰數畫
昏傷戈今茲冊裝字二十翳比寒鏡晨初呵洪家所藏
想正爾淳熙已悞濃墨磨塔影園中老文學定未獲此
勤切磋婁機弗辨靈與置佩觴漫檢陂作頗百年又到
黃氏閣小蓬萊句誰共哦秋盒工書復工畫要補漢蹟
窮隸蝌蚪絕旁觀有顧八蘆汀寄書試倣桂未與羅兩待
我蘇齋摹本出氣壓宋揭千九螺

題棧道圖二首

驅車石崖口卸橐雪江干城市一迴望居人猶暮寒欲
窮盤磴細敢計旅懷安多少詩家思山程宿與餐

古路緣高壁危欄可摘星谿流萬里沃柱倚一痕青雪
沍深苔蘚雲穿響馱鈴畫圖寫不得恐有舊鏤銘

丹叔夢作題畫詩醒而猶記六句因足成之并
寫成卷屬和

誰將畫藁證蓬山一幅邨居竹樹環浙右家園春雨足
江南野水白鷗閑香厨卷帙自料理鄰曲溪翁相往還
定憶老錢來對酌櫓聲伊軋暮雲間

范氏書樓圖歌

井序

宋西京范忠獻家藏化度寺邕師塔銘石於賜書閣下
見忠獻孫諤跋予旣詳考是碑爰就重刻殘字仿三段
式裝之屬友人寫是圖裝其後而系以詩

洛陽樓閣中天起，節度尚書太師里。奎文上燭星斗垣，
衣帶嵩陽潤灑水。尚書歸來讀賜書，四壁琳琅富圖史。
囊中三片貞觀石，不許閑人浪搥紙。飛出欄干炯炯光，
照來伊闕熊熊時。我因石迹遠追求，歷井捫參問所由。
似鑿龍門穿砥柱，還識荊河名豫州。殘碑經歷關陝路，
百尺繪出尚書樓。參差石勢僧斲迹，仿佛樓窻石潤留。
題跋何年爭記范，坐臥日夕來摹歐。我樓因以石墨顏，
我帖匣皮於樓間。帖則是矣，樓身有十笏之榻，雙扉關
聊借范樓清。洛上喻我詩境，東湖灣攝之舍利半字在。
挽回寶氣千載還，嵩陽居士有舊夢。紅日正到樓前山。

江寧周霽堂春暉圖二首

後集卷之三
寸艸光陰不忍拋
脊令夜夜夢同巢
如何只寫離情價
一段春暉在柳梢

各抱江湖萬里心
南鴻朔雁忍分襟
偏憐去住如相避
每觸新陽憶故林

曹受之學使自滇南寄詩次答

萬里新詩話往年
雙芝軒檻夢遙連
臺端氣象蓬山近
受之記名御史
才子聲名洱海宣
駐節蠻雲題翠墨
斜街花霧記茶烟
和章結習論碑刻
欲博禪翁一蹶然
謂尊甫慕
堂少卿

吳蓉塘侍講鑑曲垂竿圖

喚魚潭邊解衣帶
自煮小巢龍鶴菜
尚想蘭亭園廟壩
市墟新釀花陰賣
龜堂老子餐湖綠
手寫圖經共施宿

不及華文直閣時却紆紫綬思湖曲昔時青蓮亦如此
夢中飛渡鏡湖水高情合付金閨題晚飯何殊柁樓底
蓉塘胸次又不同湖光洗出天鏡中幾點蒼蒼蘭渚樹
一竿裊裊釣絲風謝公賀監蹟已往青蓮龜堂何足仿
繭紙摹成蟹爪痕鐵遂招來玉鸞響扁舟拈得覓句心
茶竈書牀張素琴君不見內廷侍直有故事又一烟
波釣徒吳翰林昔查初白謝賜魚詩有臣本烟波一釣徒之句翌日內侍傳
烟波釣徒查翰林至
今裁林傳爲佳話

詠雨織

肯借濃陰樹下行收宜雨後曠宜晴推蓬喚起江湖夢
不是黃州竹瓦聲

李文輅學使於嵩山拓寄釋參寥書三十六峯

賦用東坡次潛師韻報之

芙蓉菡萏空池水依舊墨名押碑尾乞得僧處倚柱師
肯問春風泥絮起青童玉女欲飛來翠光如鏡泉如醴
仰嵩堂側畫不如敲石槐陰味逾美忽逢李侯笑相視
寄我蘇齋筆重泚他日同參黃蘗禪萬象摩尼研池底

次韻石公懷小松之作

刻燭蘇齋氣味長八年秋影寫窻光誰能叔度侔千頃
我記黃家識九郎金石因緣重締結蓬壺信誓細商量
前遊幾箇晁秦在只有文潛舊侶張

裕軒學士從獵泛舟二圖卷

宋生寫二圖同遊釣臺溪但對泛舟翁那追從獵始是
日艸堂開秋蔕市灣汴荷露傾人衣破板舟初艤宋生
據船頭畫蘂蘸篙水同人共索笑先生復莞爾爲言廿
載前磨墨亦如此秋策灤河騎曉逐塞山磨僮兒挾筆
研手自囊弓矢峯巒與旌纛前望若尺咫豈知今看山
覓句葭蘆裏歲月倏已改形容蓋難似我記先生言琅
琅猶在耳今忽道山歸仙者同杖履九霞空洞中睠此
塵與市定復笑指說下界聊如是少壯在詞館馳驅豪
可喜晚歲悟禪悅流行坎自止前後合一觀誰喻馬與
指我輩癡鈍人矻矻執碑誅得免蹠未忘刻舟劒空擬
海上孤月來飛光照窻几

再題范氏書樓圖二首

誰從初地說當初片石光明悟劫餘五百年中閱河陝

高尚書到范尚書

唐化度寺在長安朱雀街本隋高尚書額宅捨爲寺也

趙岷朱雀寺迴環石墨空追禾黍間不獨誤王兼誤陝

退翁關右說南山

范忠獻往關右而經南山佛寺此洛中之南山非陝之南山也孫退谷誤

讀解春雨集說范爲王訛洛爲陝

誥封三代考妣焚黃恭述二十四韻

敬溯臣三世

綸光照一門晉封階二品灑涕拜曾孫明發依依憶先

人縷縷言百年

昭代始九派一人存

曾祖行弟九

兩日基

初篤皆云祐必蕃倉皇殉姑嫂

前曾祖母王與陳氏祖姑並抱幼子赴井殉流

冠之忠孝啓元昆臣祖丞諸邑齊東任繼崑初任崑山縣丞再任

齊東適逢連歉歲所活萬黎元近者祠猶葺東人頌弗
謖孀孤更何倚荼苦不堪論廉吏冰霜在貞門節行敦
挑燈聞話舊臣父每聲吞筆舌心耕久枯樁手澤溫幾
拈書籍賣猶有淚濡痕今日蒙

天語從頭叩冰源勤劬微積累慈孝備晨昏庭訓昭詒
穀春暉切樹萱豈惟光黼黻直欲勒瑤琨宛肖平生跡
胥傳怙恃恩三匝香案捧五色瑞雲屯天意深培植家
園念本根更深三錫接辛巳封祖父父母暨父母丁酉永
封曾祖父母今晉封三代也

勵寸心捫無忝承先世方爲報
至尊勿忘勤夙夜常若矢饗殮

又題范氏書樓圖二首

石在樓中八十載尚餘貞觀舊
募苔想公策馬東歸日照耀
潼關四扇開

太行雪浪壓千峯感舊姑溪一
老農晚歲却思伊闕下壤牆
日掃屬煤松

題朱臥庵所藏夏承碑簡秋史兼寄小松疊前

韻

芝英體格溯源長誰續東沙剖
夜光往者歸裝驚陸子

華東沙本今在吳門陸謹庭處
年來夢筆共江郎洛川未得窮
搜剔明

刻何煩細較量臥庵本明
君記丹陽孫氏本義門不是

妄誇張何義門所藏丹陽孫仲
牆本至今耿耿于懷

題明晉府寶賢堂帖舊本二首

晉侯小印尚殷紅可惜昏煤塌末工戴補於今兼傳跋
纍餘翻自賞焦桐

君房墨義肅摹初絳本天留旭艸書若道石匳吾不信
試教洗剔較何如

王元美云此
刻石理本匳

復初齋詩集卷第三十二

大興 翁方綱 正三

晉觀稿五

丙午正月
至八月

雲麾碑二礎歌

黎瑤石記二百年一亭尚護六礎圓四礎之徙在何歲
南望使我心拳拳獨餘其二字又泐以較陝石神猶全
當時雲麾有二李元秀爵以遼西傳范陽地紀鄉福祿
題額太原郭卓然北海英光照千古佳廬秦望訖相沿
我昔手剔端州記筆蹤直溯分隸先異哉趙岫誤松雪
東里之品猶疑焉是碑特以雄厚勝中有逸氣相迴旋
若將行楷提籀篆作礎作臼如隨肩天留奇蹟配國學

近在庠塾齋廡邊莫笑利餘似鐵鑑其氣雙登扶屋椽

昨者大梁石規尺報書驚喜珠騰淵友入於汴城獲一礎初疑是此四礎

之一及搨出審視則隋舍利銘也神物同時或符兆且以雙壁下墨緣

曹吳二公並精鑒作盧司農願揭白本勤磨鉛古墨齋

榜待我補誰歟仙鶴苓芝鐫

漢永康鏡歌爲畢秋帆中丞賦背有銘云永康元年正月丙午

黃氏作竟幽凍三商昭如日月國皆富昌作口位至公卿天王日月上有東父太卯三利

宜吉口子凡四十八字

今年正月朔丙午畢公書來傳吉語四十八字鏡背文

祝國蕃昌位公輔永康之元月正日日亦丙午神所予

幽凍三商卯三利宜爾孫子宜東父黃氏作鏡兼作銘

銘如騶李質且古五穀成熟和陰陽四時安樂調風雨
永康兩字宛叶兆四神八衛來占祐畢公夙夜宣

上德河岳

恩膏遍滂溥熒熒古鏡積苔花拭用嵩陽洛濱土甲乙
不須長睿辨釋文豈待洪家補從茲屢豐日有喜樂職
中和廣樂府熙春不借鏡聽詞但唱幽歌擊土鼓崇高
三關紀謝濡更拓全文寫圖譜欲乞中丞拓嵩山
少三關銘也我裝此
紙作鏡光圓配燈宵月三五

書杜遣興詩後二首

醜好奚先後君當翻覆看莫貪成實早方信及時難臘
雪禾根暖春陰麥秀寒誰知空谷底香已蘊幽蘭

明堂庀梁棟匠石索邱樊大廈果堪倚萬牛焉足論蕭
寥稷卨許寢寐孔姬言端爲松筠憶云何計本根

未谷自山東摹得禹慎齋畫漁洋禪悅圖屬題
先生詩喻禪於唐得三昧當時同遊士誰識屨提義澹
泊澄壘中靜深蕭寥意既不關語言更奚涉文字嗟彼
禹鴻臚畫之爲已贅而君復傳摹寄我俾裝背圓悟佛
頂光青若蠶尾對還向詩中尋抑有詩外事不敢下轉
語但恐生滯礙

未谷摹姜貞毅敬亭荷戈圖屬題

桂稱東萊鄉張源吳超里石公若遇宣城人定說敬亭矣
一夫荷戈死三處星斗光豈惟三處歟萬古知二姜虎

邛旣遺祠萊陽復留畫當時泣血心今夕挑燈話有弟
能奉母有兒能作圖二十四齒銘冤氣歸來平哀鳴異
鳥音繖墨如未損儻得徐枋書寄我一摹本貞毅卒時
齒子安節實節襲藏之貞毅旣葬宣州乃奉遺齒歸廬
萊陽徐昭法爲作齒志銘也是圖實節所繪貞毅有自
題四詩未谷屬
余書于此軸

再題禪悅圖二首

昔聞山谷如摩詰今識漁洋似老坡依著漁洋寫坡像
翻然不似却如何

弟子題詩十五人空花拈著果誰真爲君辨蕪蘇齋篆

細數從前念念塵題者自林吉人而下凡十五人劉石
齡詩自注云聞諸錢亮工說曾見東

坡像與先生
極相似

恭和

御製春仲經筵元韻 二月六日

帝備知仁敷教養虞書孔義並 澄觀二賢可補雙峯

解三事還該六府官曰利曰安功以次惟和惟敘

勅其難訐謨抑戒歌聲裏理境包涵萬象寬是日講論語仁者安

仁知者利仁尚書正德利用厚生惟和御論以安

與仁猶二枚曰於仁亦既發之矣然曷不於顏淵子貢

觀之乎顏淵安仁子貢利仁簞食瓢飲回不改其樂是

安仁也賜不受命而貨殖焉是利仁也賜不受命非富

貴貧賤之命蓋天命之謂性率性之謂道率性即安仁

不受命即未能安仁也貨殖者見有利於人如貨

殖之生財耳是日筵宴 特命樂奏抑戒之詩

恭和

御製經筵畢文淵閣賜茶有作元韻

瑞露香濃散乳茶 講筵肄雅荷

恩加鏡澄淵海文同煥日麗蓬臺景倍賒合撰知仁歸

有極九功歌敘叶無差始知依永和聲理晉史徒誇一

坐嗟

恭讀

御製絲竹辨發明依永和聲之旨始知晉書孟嘉論絲竹一坐咨嗟之誤

二月六日侍

經筵敬歌以紀

文華旭景曠曠光

帝車來臨耀斗芒 傳心殿接上丁祀日維庚辰吉用

剛春祺布氣暄以潤知仁

天語聆煌煌始咏政令德在養三事六府 浴周詳昔

者孔庭七十士性與天道兼文章折衷一貫學而識二

千載後逢

聖皇安焉利焉辨等級顏與端木真品彰是由

心源滙洙泗萬古典冊該琳瑯 講畢賜茶 御書閣

華茵霑遍天露漿

重瞳周視四庫富

躬行不獨函軸藏

特命殿前增雅樂需雲慶喬瑞遶廊三十八人拜稽首

侍郎陸費墀	兵部侍郎瑪興	阿金	土松	工部侍郎	董誥	禮部
尚書曹文植	禮部尚書彭元瑞	兵部尚書王杰	刑部尚書喀寧阿	胡季堂	工部尚書金簡	吏部侍郎
方綱	西班大學士	稽璜	梁國治	協辦大學士	劉墉	戶部
拉勒通	政使	夢吉	參議	何曰佩	詹事府詹事	德昌翁
德保	吏部侍郎	蘇凌阿	玉鼎柱	署吏部侍郎	李紱	戶部
東班大學士	阿桂	伍彌泰	協辦大學士	和珅	禮部尚書	

都察院副都御史哈福納張若淳大理寺卿富炎泰少卿劉權之日講起居注官陸伯煥德昌季學錦瑋五珠

西向就席分班行 天厨賜醴重職掌司儀以次來傳

觴光祿寺和聲樂署肄習久閒歌抑戒吹笙簧敬慎成

儀訓辰告有覺德行順四方長言引唱最堪繹由言無

易神悠揚信哉一字考燕禮鄭箋鄭注訛相當燕禮出讓升賓

為苟敬鄭康成訓作苟且之苟抑戒六章無易由言無

日苟矣鄭箋亦訓苟且竊謂此苟字从艸不从艸說文

韻不獨字義當以急為訓也今日聽樂歌至此句神韻

悠揚與下句正相呼吸誰知衛武箴誦語節奏如此諧

彌信方綱此說之不謬講幄隨班步自階西廂十年前初

忝閣職序立獲依橋石旁編摩光近

聖人側寅春 錫譙濡露灑壬寅二月二日昨歲陪觀

辟雍禮今晨綠漲還方塘一勺之甘皆道味况飫寶
訓開珠囊講銜閣銜並卿列三處敬事司趨跽魯論虞
典又周雅六經至治彌馨香得門而入已優渥何況
日日瞻宮牆書紳

敷言錫時極矢音

勅命幾惟康年年來近曝書日丁丁晝漏官壺長

熊兆堂觀察來都門邀渭厓學士西齋武部慮

庵宮贊小集同賦

卅五年前對榻心漳河伋釐喜來臨我應祝頌偕桑梓

公自功名繼桂林幾箇銜孟馳遠夢

是日席間屈翁同龢同年今存者四十餘

人連宵剪燭話同岑東風二月新楊柳又聽鶯遷舊侶

音

漢耿勲碑

鄱陽昔述喻麋譜携李剛傳一字武

裴氏字原於是碑僅摹一武字

閣銘文伯仲間乾道之時揭已古惜哉洪釋殊未盡爾
日璫椎太莽鹵又五百年剗鑿後星杓尚燭幽巖阻歐
陽趙氏所未錄具眼蒲褐禪庵主遺我苔紋綠逕丈挂
壁星月來闕戶圓光迥出方罫間缺泐那復畸零數日
維壬戌歲甲寅下辨李掾官西部凶災乃平茲乃胙匪
皇啓處征與撫此數字皆洪所未釋者其卽篆字我有蕩陰舊墨本
民八月文同詒靈臺之碑婁所著淳熙偶闕吾今補臨
摹十日繪作圖復見神耀山精吐作詩寄訊蒲褐翁證

取石勢行參伍更乞摩挲西阪詞天井崖間仇與呂

題董文敏與陳懿卜手牘三首

河清漫俟陳居士江郭先傳夏茂卿商畧小窻量玉尺
錯金龍爪印分明

追蠡斑斑齧迹留石邊珍重字摹歐權場一種麓工本

未識鴻堂著眼不

率更帖珍重珠字
可驗大觀真贋也

殘墨王家到董家何妨片壁字欹斜蘇齋他日重摹出
待放優曇第一花

肖蘇孝廉以趙吳興畫淵明像并書歸去來辭

石本裝軸屬題因爲臨趙題歸去來圖詩次其

韻

松雪於陶翁出處若判然及茲畫并書又若感其言士
貴各求志不爲觀者妍空山風露氣一往襟屨間豈果
枯槁恨懷抱遂相懸忘機何足訝定計蓋於鮮區區歎
妙腕細畫如蠶眠盍借晉處士以論趙集賢

送肖蘇之汝陽

張君東海客語挾海氣綠十年遊長安未遂升斗祿抱
病秋復春城隅賃茅屋軒軒千丈氣虹光夜穿櫺一卷
冰雪文自賞非矻俗就我蘇齋話誰輕宛邛目平生於
知已珍重理郢曲每說汝陽宰分誼均骨肉往者周家
郎文譽喧巴蜀快壻有如此何減庭蘭玉季也今相倣
粵嶠得名族彭君吾舊友內訓深以篤君指嵩少遊中

州氣清淑爲我訪金石幽光剔巖麓自吸烟嵐秀不借
芝苓服詩踐汝南諾居同大勞築嘉樹角弓篇萊竹淇
泉澳卽來貢天閭新鷺聽春谷

文淵閣曝書 三月六日

兼旬積雪曙光殘閨歲深留渭露溥前月六日日麗錦

匡春倍永雨餘文石晝生寒絃芸馥聚經時補閣中諸

補者今皆漸次補足江海源逢一氣看杭州揚州金山添得新松

千羽葆蓬山高處護層欄

爲錢湘舲題其鄉前輩潘稼堂先生品研圖康熙

戊辰秋周衛履坦畫

我遊星巖歲乙酉得誦遂初石研篇辛丑秋銘七星匣

復若身到星巖然八年嶺表無一研慙媿題字鈴山巔
遂初老子不可作誰見珠斗羅几筵金門畫史真好手
貌石與人俱不朽金精玉質光相射月斧雲腴璞初剖
先生把翫童子滌溫粹無瑕淡交久紫烟袖出大海瀾
戊秋歸自羊城後是時先生四十餘初題堂扁名遂初
周也能肖意中事磊砢對面心神舒儼然吳江講易叟
雙眸炯炯清眉鬚不枉水巖一卷石留此老子千載餘
錢郎感舊來吳會前輩丰標耿猶在匪以其研以其人
墨食之功或津逮想像神完抱璞前晤言石友周旋外
浮聲切響文字間辨磬之銘毋乃隘莫說杜老兼陳髯
何論長吉與子瞻仁者空諸強分別幾人親到青巔巖

下洞中洞何足較真手真研時一拈崧臺品得李邕記
使我夜夢馳星巖予昔到端溪讀稼堂賦詩并記然所稱長吉踏天之句東坡磨之銘皆文家波致不足異也北海端州石室記近日自稼堂始著之而方綱考定爲北海書耳

簾鉤二首和石公舍人

傳來詩話映珊瑚青瑣諸郎興不孤宿鷺春陰忽驚起
殘陽舊夢更模糊捲因讀畫題難穩斜爲看山澹欲無
樓檻西南人倚處覓誰緘思到江湖

只在花風誤揭間弼張多少緒迴環寒來玉手春初暖
影定蛾眉月一灣慢骨怯窺新燕子梯橫訝對小屏山
曲瓊解識琮瑤響省記寒宵覓句還

齋中大觀真本右軍帖二十有七暇日摹其四

裝爲冊各系一詩

稷帖稷餘八百載蕭家女壻上車看蘭亭一段真神味

雪後天然旦極寒

旦極寒帖

宏福沙門集墨緣後來順伯說家傳太清樓下拈惟苦

兩字能追四百年

建安靈樞帖

閣本宣和盡失真瘦金籤帖付何人牽絲一筆憑君認

癡絕東沙浪苦辛

袁生帖

祖述劉琨進一籌金陀玉緒恨難收故應丙史知心者

契罷蘭亭第五秋

適重熙帖

題徐尚之詩卷二首

徐君篤行人孝友其實學讀君哭母文空山裂冰雹筵

仕十年後登車一編握辛苦出處言得失共商權此去
親民社馳思瞻河嶽浩乎真性情那必借琬琰余亦無
飾辭相見以淳樸不敢隨衆人輕擬輪扁斲

君家茶坪翁祀坡騎箕辰君筮賁遜爻又若坡與鄰干

載得尚友詩思逾清新近年坡生日誰歟同薦禋終南

艸堂詩

今河南巡撫畢公往在陝西於終南艸堂爲坡公生日之祭

光氣摘星辰君

往得心印何區豫與秦研池水增波海棠枝復春

坡公卒於

常州孫氏寓館有洗研池香海棠遺蹟去徐氏之

雨中

還月下相對吾三人

題肖蘇所藏畫松幀子

題曰蒼龍僵立

蒼龍僵立坡老語瘦脊盤空自何許飛裂奔湍怒有聲

猶挾巖巒勢呼舞虛無根有鬼神會浩浩雲氣迴太古
畫師欲寫撐雲勢虛白光中自撐拄不點蒼苔氣逾厚
倒拔石骨青初吐以待缺崎磊落人誰歟巖壑冰霜侶
昔倚湘中廉吏壁今挂海上詩人戶和君長嘯作鸞鳳
助君筆力如牛弩大勞山居歸有日且伴行滕向臨汝
爲君一斗瀉墨濤掣起飢蛟作雷雨

唐元和十二年徐州使院石幢記

節度判官
譚藩書

望雲紫電雕噴玉義成拜表鏤苔綠令公才子十六人
筆諫誠懸寫不足唐碑中葉盛顏柳廣平西平雙管禿
光震戈波照天地平生妙絕無人續恨不併將廣平楷
快觀西平世家錄具體顏書譚判官聞自藥城老同叔

蘇子由詩譚藩居
顏前何類學顏類
夏臺東去巖邊衛徐方再統觀民俗
八面瑯琊一丈高實封七百階光祿父子當年檠戟輝
弟兄此地牙旗簇岐下遺封帶礪盟汴泗交流郡城曲
大書峻厲氣春容想像名家祐猶篤向來竊品元和刻
陳諫而外難更僕今見斯幢爲凜然不敢但作題名讀
何人可以居顏前何類之名吾未熟蘇齋曠望平原派
夢想卽官叩張旭挂壁潯溪與細論如削唐年汗青竹

黃新莊二首

黃新莊北千株柳記凭籃輿廿七年一半昏陰遠揚外
絲絲如畫點春烟
聯轡青郊舊侶非邨塍補種樹成圍春寒未覺花風起

已有山桃雪點衣

苑西道中二首

天近綠雲層高低寫稻塍水痕依蟹舍山影在魚簪鳥
破昏烟澹鱗鋪淨練澄誰知方罫幘金碧切觚棱
跨水雲根響吹衣鏡面風路迴虹暈外人度篆紋中穉
稭針翻繡襪襪驚點空江南春雨候仿佛倚烟蓬

小松以肥城孝堂山漢畫象石本見寄賦此奉

酬

湖州昔自青社還小山林麓曾躋攀但記武平刺史語
重華曾閔萊衣煊苔花組繡相映照人物車馬來班班
圖經疑義訪故老隴東麗藻誰能刪豈知隴東所未考

武平上源永建間邑人故吏過而歎叩首至德能廉頑
四百年前發憑弔二千卷外增迴環黃君今日歐趙侶
屢爲陟巘披榛菅雍邱畫象渺何在尚想絹楮追丹雘
周初文物斧屐際二公來輔漣澗灣曰王曰相語簡質
一波一拂鋒迴跽此字又在永建上清淚欲爲河內潛
世間那有西漢刻豈特一字輕千鍰折痕徃徃似禮器
妙繪不獨先荆關黃君工書復工畫應笑米老徒偏慳
去秋共賞江與宋秋史鈞摹尺素苦不閑參軍篆與朗
公隸附名儻許相追扳三春叔度不得見幾日林鳥鳴
喧喧濟上苔岑動新綠石盟爲我歡古顏報書媿無青
玉案緘思莫說愁關山欲煩升立尉氏令碑也

再題漢畫二首

千秋畫史續南宮刀幣誰知篆法同
借問艸書追晉武何如柏寢記鏤銅

親見丹青顧愷之陳王洛畔駐車時
按圖來釋冬官記

端就東都老畫師

昨見顧愷之洛神圖中車制畧似此

余忠宣篆鄭公釣臺字拓本用程篁墩詩韻

青陽手篆江匡石人與臺高俱百尺
孤光磊磊天地間釣者篆者同心跡
嗚呼青陽與師山山河千古爲壯顏
富登渡口接黃海英靈駟日往還應
識今茲憑眺意不僅臨摹鳳鸞字易
象春秋百世師精忠大節平生事
雙鉤昨自西吳生墨本今復來程兄
方君握衣墨濺面

定躡滑磴留題名弔古懷賢淚雙落氣合丹臺凌萬壑
仰止亭邊蟹簾空鄭虬卷子蛛絲絡篁墩題句興不孤
石田畫幃儻更摹千里蘇齋寄酬和青陽精靈來有無

陸放翁與玘上人八札石本三首

在金華智者寺碑陰

燈夕臨安甲子周洞天何處記前遊癡人種齒渾間事

滿院松風訊婺州

札中言病齒事蓋嘉泰四年春也

自言投老欲依僧初地金華見未曾野叟閣銜分別相

不知何以叩南能

是時除寶謨閣待制也札有野老非宜云云

當塗郡石極奇筆來對吾齋詩境看若更焦山題字得

便應全帖劔南刊

瘦同以幅紙屬書水邨山鄣四字并索著句其

後且云欲俾友人畫之

誰道詩應在畫前翻身作怪亦論緣片帆烟雨江南夢
中酒樊川記昔年

高慕陶海上移情圖二首

空濛何處刺舟還自寫松風石磴間記得蘇齋同拜像
果然玉局近蓬山

嘯詠天風起妙音千巖響答出層林永師書法今拈得
松下何曾有破琴

周伯克尊歌爲孫季述作

孫郎來往洛陝郊夜夢周廟靈旗捎曉見斯尊出壘際
耳邊尚似鏗弦匏兩夫舁持到几案其量二斗逾苞匭

不知宣和量多少度生于尺權衡交今雖兩環不可見
想彼圖續非誇說惟曰文公惡高克以鄭訛衛誰所教
逍遙河上詩所刺豈有錫卣嘉爾肴文曰十月日乙未
周歷漫許相訾訾上稽籀篆證岐鼓如捫絲兆觀羲爻
其文庚庚欲起立不敢手摸疑瘦蛟伯克伯友用作錫
鬲皇典冊輝旂旃古者氏名不必備後來音釋徒呶呶
我更斯尊曰伯克爲君三筆容齋鈔牛鼎臠鼎局之个
度室以几知無淆昭穆法於鄭衛考讀禮毋乃弦柱膠
今日孫郎真博古薛家款識厭可拋持歸毗陵江上宅
寶氣四照深堂勘圖書宛委帶松竹題扁迴憶禹與嶠
克家克子助忠孝剛克柔克非詆嘲研池古綠動活碧

墨雲霽起蒸簷宇

送汪鹿園秘校出守撫州

記共編摩十四春發揮經術到臨民瀛洲亭上聲名久
裴村樓中祐澤新鍾阜舊聞留景建道園遺墨在崇仁
因君儻獲搜羅出許我西江一問津李雁湖注王半山詩是臨川曾景建增補今海鹽刻本所未足者予已抄補十之三四恐臨川或尚有之虞道園詩文自學古錄外予於類彙遺藁皆已抄補惟翰林珠玉一編未見也故以此二事奉託云

和張壽雪閣學記

恩詩

公家舊事在 貢屏此意拈來識者稀夢遶龍眠山疊
翠書成 鳳諾日增暉葵心一氣通丹地棣萼連枝向

紫薇

令兄嘯嵐鏡壑
皆先居此職

添得玉堂詩話好

絲綸世緒譜

聲徽

秋帆中丞以嵩山三闕銘見寄賦謝

嵩山三闕銘者六元初延光到嘉平昔人得三已自喜

幾見舊本藏于程

孟王

虛舟吳山

視顧亭

林頗增益獨惜牛

空褚千

圖未精延光之篆元初隸巋然鼎峙雄東京東

闕隸題不著歲羌無讚述惟氏名季度篇因請雨勒此

非季度實伯井二室闕端冠二額半泐字尚留陽城其

間細隸人不識蓋以韻語駢頌聲首述尼山追大聖終

以感雨推精誠名岳英靈會真宰噓雲吐潤施編氓溥

優洋溢歌所叶芊條合頽來滋榮馮翊呂常始伐石祀

號奏自堂谿生請雨寫經一歲事儒者如此任匪輕舉
公射策冠天下筆飛太白泉水泓拜宣我

皇樹濡澤維嶽峻極綏祐成向來瓊蠟不到處忽撥嵐

霧生光晶銘文字出畫亦出陰符月魄環崢嶸山精水

府不得秘武梁祠刻何足評淵哉孫生爲圖釋斷斷洪

趙誰能爭往時葉景近之董三關銘文初見於葉并叔

及近日洛陽董金爛然敢共誇箱簾我爲撫攜東觀記

蔡邕延篤交迴縈斗南補遺竊欲附湖州砭誤莫漫驚

山深地北最深處巖霏谷合唬颺颺赤文綠字儻更得

莫惜竹膜搥瑤瓊他年中州金石集定憶薊北酬蘭盟

嵩陽居士有舊夢雙柏先許酹一觥予齋有嵩山漢柏

圖嘗以蔡君謨嵩

陽居士詩
句題之

程易疇芋花圖

一萼黃丞折角巾一苞半紫狀含仁不知蜀土蹲鴟種
何似豐溪野水濱月下飛光金汎梗露披倒穗玉流津
筆頭有此閑風味辨穀真宜號老民

易疇著九穀考
自號辨穀老民

冶亭閬峯二學士聯牀對雨圖

全真元常對風雪和仲同叔乃慕之夜雨對牀蕭瑟意
寸心千里遙相期逍遙堂隔懷遠驛萬古傾想蘇家詩
詩從元祐溯嘉祐彭城東府話別離對牀本取友朋事
西樓觴詠追南池何如君家賢伯仲詞林盛事萃一時
伯也十年秩端尹頭廳重到翮羽饒仲也昨春第嘉頌

簪筆日侍趨

彤墀玉堂花陰照瀛海慶雲五色駢交

枝蕉窻竹埤共一榻論文校藝同研思石氣濛濛散飛

綠簟紋肅肅生涼颼豈惟梧桐與松竹當時漂泊訓唱

詞守杭使北早秋日覓句那得相肩隨

元祐四年東坡由龍圖閣學士

出守杭州子由代爲學士是年八月子由使契丹是二蘇公未嘗同爲學士也

感歎區區一言

諾之約與子由對牀夜雨會合要出千古奇人生至樂果

焉在幾箇四海真相知況復盛年勤切琢承家報國

良在茲畫出蘇詩未到處鬚眉喜氣春融怡就我蘇齋

悟前誓明月下照雙金卮

土城

雙阜接烟帟人傳古薊門遠山青冷氣斜月淡無痕逕

轉如城角泉清出樹根初涼林麓外遺蹟叩金元

程易疇父子造墨極工先後見餉數挺賦贈二首

不聞歐褚輩兼擅李潘能語我書家髓如親劑兩蒸日
勻三萬杵手剔百千燈可但臨池訣良醫幾折肱

通藝裏成錄傳家業更精縣山丹竈冶元玉研田耕經

術今誰匹詞場舊有名百年前著譜且莫說方程君鄉人方
密庵亦善造墨

文與也畫漁洋山人秋林讀書圖四首

康熙戊申八月

覆盜門邊秋稷時儀曹畫壁唱新詩夢中時到刊江水
林外紅橋颭酒旗

一片青山映墓田，停雲家法故依然。
揚州廉吏京華住，握手秋林俱少年。

同時侍御寫江村，衣袖江頭舊酒痕。
亭子石帆初未築，爲誰空翠點柴門。

池北他年好載書，輕烟細雨覓樵漁。
詩家三昧無多子，澹綠疎黃未著初。

寄懷小松同石公秋史作，禁用金石碑刻等字。
何處挑燈夢寶蘇，洛中濟上日馳驅。
客從東觀添餘論，人似波斯老賈胡。
只少神方能縮地，信知象罔善求珠。
武林春在詩囊各，各有蓬萊湧坐隅。

兩峯以扇畫梅見寄次韻奉酬

想見疎窗蘸墨時
艸堂香葉定交枝
何郎霧夕相思甚

只欠風亭月觀詩

兩峯所居曰香葉艸堂

次韻甘嘯巖兼呈冶亭朗峯四首

業白終憑得髓人
硬黃漫擬瘦通神
齊梁屈宋誰真贗

苦執清詞麗句鄰

少陵清詞麗句必爲鄰一首向來解者皆誤也

五言二謝爲關鍵
三昧唐賢孰識真
不合宋元祧兩代

高徐數子擅通津

漁洋先生論五言詩直以明之高徐上接六朝三唐愚所未敢必也

源流正變從何出
疏越朱弦調獨彈
一片宮商無譜訣

妃豨誤聽曲將闌

漁洋精研古詩平仄而後來所刻聲調譜失之遠矣

燕山真氣出瓊竒
况值佳辰舞詠時
擬借唱酬聯薛據

欲圖主客倩張爲

朱補庵爲我臨石谷雨山圖題此贈補庵兼寄

魚山

放翁昔看峽口山妙處云在烟雨間意蓋以此喻奇士
所以激勵懷與頑是時放翁在試院文心八極相迴環
忽焉快雨瀉奔怒咫尺萬壑飛瀑潏奇思欲得樓百尺
衆緣一吸低千鬟不知畊烟王外史筆皴何處窮險艱
千里百里江海勢直欲膚寸收之還湯胸三日不能去
借畫之夢無由刪吾齋奇士有二子補庵筆力誰能攀
爲我淋漓攬元氣如到急峽高江灣豈惟石谷所心許
併使放翁增壯顏但恐放翁詩尚隘未寫雲氣周人寰

丁原躬蘭亭研爲陳目畊賦二首

原躬自題崇禎癸未四月

日八

蘭亭研背論肥瘦縮本多從玉枕來自仿自鑄憑篆勢
畫家生面爲誰開

願公投老託空門時事倥傯不足論供與目畊居士手
日呵石綠倒芳樽

適以和答兩峯扇梅詩邀瘦同穀人秋史三君
同賦而秋史病不能作追思昔年兩峯在都門
同唱酬者竹井心餘魚門莊谷今皆化去而獲
石姬川丹叔書巢棕亭米谷匏尊芝山諸君亦
弗獲聚處再疊前韻二首其一感念舊遊其一
寄懷江都孔令雱谷

恐是舒州李伯時坡仙風袖寫筇枝飄飄下界來遊戲
笑我蘇齋感舊詩

江上梅花入夢時蘇齋香篆裊橫枝故留半幅瑤華寄
待寫山翁琢研詩

雪谷有琢研齋

題國學蘭亭舊本三首

長洲宗伯傳經日百本槐廳絢鳳麟館下諸生來問字
同時可有伏膺人

薛家龜石重宣和妙筭豪釐睨伐柯瓊裹若論同籀鼓
越州藏本更如何

誰將趙法付楊王

東里虛舟

玉雪坡翁待比量二百年前肥

本出始知殘畫賞東陽

見雷谿卅堂集中有訪牧山詩和其韻題明人
翻刻化度寺碑後

畸士抱山吟所賞疑太僻山水書畫禪命意初無迹蕭
寥盭庵主來往西山側破墨出鉛鋒晶芒歛戈戟兩忘
烟楮外一笑水雲白當其對榻時破屋不爲仄籬華賡
陶潛章艸歎庾翼見子淡交心晤言馳在昔鑒別豈必
真已自塵累滌殘縑緬微尚孤光耿秋碧

寶應村間古墓有漢碑二一刻孔子見老子象
一刻大鳥并獸銜環近爲汪秀才攫此石去洪
穉存孝廉爲覓拓本見貽作詩報洪

漢時墓闕如畫壁洪相訪之汪聖錫但云益部充與荆

那及江淮近搜剔射陽邨石聞之久吾友江

秋史劉端爲

屢覓爾來聞落汪生手復有洪君生感激千里緘包墨

猶暈兩紙蒼茫拜初覲鄱陽昔著駟與輿恨未山原稽

厯厯此云弟子侍在旁得非敬叔裳衣褐左右不與隸

續侔贊幣應從禮圖析題牘者三隸書六朴氣使我懷

增惕戲錢膺鼎異或同獨獸銜環狀如趯惜無金恣處

士字欲與武梁祠刻敵牛礪童敲定幾年蒲阪西山太

荒逖

先是射陽村人說傳呼爲夷齊墓

作詩報洪兼訊汪善護緘箱外

加竊我續南宮畫史詩一補龍眠研池滌

畫見李伯時畫孔子見老

子圖卷嘗援漢書爲作跋

余忠宣篆鄭公釣臺字拓本予旣賦詩并語易

囑補圖今易疇果以圖來予因爲臨忠宣篆於

卷前再用前韻題於圖上

歛河南岸一卷石雨窗招之來咫尺一片簞墩感舊心

那必臨摹石田迹山前石屋屋戴山屋亦非復仰止顏

舊有仰止亭今畫中亭非也程吳輩接文士出洛閭源自南渡還灣

環烟水蒼茫意墨本猶殘舊搥字程篁墩時所拓舊本方君仰松猶及見之

眺望空濛寫不成多少前賢往來事畫意翻從篆勢生

白野雪坡相弟兄摩挲四字留天地凜凜千秋此姓名

摹書焉敢筆輕落驚起蛟龍翻大壑八分只合額新圖

萬古斯文緒連絡釣絲裊裊清風孤獨行高蹤不可摹

說劒老子忽長嘯袖有丹臺雲氣無

送姜星六郎中出守紹興二首

賀監湖邊載簡書，樂天詩境較何如？素心結契三鱸後，
青史功名五馬初。燕寢香凝官閣靜，稽山翠滴畫簾虛。
卽看憲節乘輶日，迴憶雲司退食餘。

廿載論文有幾人，苔岑交淡比松筠。宣風鏡水心堪鑑，
訪古蘭亭味更真。篋笥舊摹南宋本，精神如見永和春。
君家白石前緣在，何減吳興墨妙新。予有手搨趙子固
石所藏也。今付星六於越中刻之。

倪文正畫公自題疎林遠岫四字。上有王季重
題云：楚郭卽滄浪秋清，倚帝鄉故山。
歸夢隔還
是讀書堂

去年我題石齋松靈威石室，森相從倪公疎林淡無物。

近者茅屋遙青峯黃公畫松意同否慘淡宵渺難尋蹤
倪公晚築城南室正值黃公越遊日紅燈照檻飛閣旁
萬壑流雲入公筆文正於越中搆衣雲閣手畫其式爲之顧謂黃公與公
訣淚落江渚身衰疾此幅蕭寥又不同爲誰遠思停秋
空遶郭滄浪故鄉夢拂縑想在京邸中艸書肯似張二
水詩句來題王遂東

再題寶應漢碑

吾聞漢石經遠匹周石鼓華陰與河內結體誰復覩又
聞武梁祠騁技雕文縷仲章季章輩選擇書家矩一仿
中郎爲豈獨畫師祖江原上庸石曠絕罕儔伍金鄉蹟
僅存永建題最古讓此三牘書差可六經補江介人家

塚卑溼近邨塢寥寥懷在昔珪璋儼文府揖讓幣帛陳
聲容千伐舞漢京經師遺一物猶記取藉非片石留焉
識鄱陽詒武梁舊墨本響揚十得五云出宋褫裴元氣
斲斤斧此畫泐不完此字森敢侮犧尊在堂作鳳鳥下
毛羽廟庭聞金絲禮器問鄒魯

石公得靈壁石有白脈連之屬予題曰石屋橫

雲併邀同作

我昔泊舟湟峽口峽月窺人若穿牖蓬窗曉氣滃塞空
一線橫雲跨培塿迷茫不作咫尺看却自巖巔達巖後
其巔如屋厂下垂若與橫雲俯而受懸厓陡絕不可上
激湍怒掣青蛟走我舟如案承雲滴巨石森然交左右

恨不八分題石底瑟懷凝寒爲之久何意君家几案間
此境依稀追八九何年鬼斧鑿空嵌滿戶烟嵐變蒼黝
會稽聞自禹穴探林屋儻有靈威守右公山人得石屋
夜半舟藏誰敢負但訝迴雲側磴間庚庚橫理成文否
照見覃溪題榜書夜湧光芒動星斗

王文成平思田疏殘藁二首

梧州春不寐盾墨照孤燈元氣三年復丙戌思田騷動至是戊子凡三年
訐謔寸管憑心仍依鹿洞慮已懾蠻藤漸啓南寧化

膠庠次第興

事業昭如此何須語錄繁況將行州法漫說李張存人

書評謂公行州得右軍之骨慷慨黃嘉定低徊沈賁園
而參以李西涯張東海法

誰家評石刻輕共孔琳論予藏先生奏疏刻本有黃陶庵沈賁園手評宋孔琳帖石本以添注小字插入正文是原蹟裝誤正與此蹟同也

寄懷徐益齋彭受禹二孝廉兼示隗生兩陳生

馬生四文學隗陳皆易州人馬定州人

謝郎今亦知非歲昔與彭郎俱少年幾度鸞鳳共春樹
又看鵬鷃在秋天那因病目晨慵楷想為懷人夕廢眠
舊學商量何處補蘇齋雪浪笑論緣益齋受禹手札皆病目之句而蘭佩目疾尤深可念廿餘年前及吾門者惟南康謝蘊山及彭受禹年最少今二君皆五十矣受禹書來乞予書因為臨東坡定州雪浪石盆銘時受禹館于定州也

錢獻之得漢未央官甄琢為研拓其銘來求詩

朱老誤題五鳳石五鳳二年石竹蛇題曰甄誤也錢郎此研乃真甄四

圍逕尺中容墨一例豐碑樣有穿自篆自銘丙午歲長
生長樂二千年陶甄却借成今手多謝分書代我鐫研
勒予名是以戲及之

成魯齋農部以焦山周鼎圖并拓銘裝軸屬題

三首

二程考釋二王詩世惠無專半信疑尚勝牛家圖鼎腹
誤憑雲氣畫蛟螭

手補圖經已十年海門弔古意誰傳午窻又作栖霞夢
記倚空江塔影圓

亭壁山樵筆勢道日因槌鑿怨滄洲君家拓出淋漓氣
好爲堦戈束矢酬

天井題名碑歌

遣詞揮翰出一人我記漢碑無此倫鄱陽以碑目天井
我亦傳會非其真大書磨厓武都郡修坂傑峙摩層雲
下有深谿不可涉梯危架厂侔神斤阿陽李守造橋閣
前後三勒厓間文歐得其一趙得二題名之字獨罕聞
洪家釋後復續釋後詳前畧奚以云陳倉呂國首所系
故府掾名說則紛一十二行隸勁古四年六月日紀寅
自丞以下皆府吏字小其半尊李君於中特起撰書例
書兼撰者功尤勤下辨之仇一門僂審也東坂贊李旻
子長姓名惜已泐不獨會翕訖相因曾南豐語信不妄
小歐陽目應共論向來流傳多耳食郝閣亦策中郎勲

明馬理說誰將郭香辨香察漫比魯峻例史晨洪說武班羊
寶道二碑不著難具陳樊敏雖鐫息燥字舊本缺泐同
羶湮豈如茲題揭者少照映白鹿黃龍鱗儼排冠裳敘
班秩降豐賀瑞來伋伋當年曹屬有如此得非李君勇
且仁紉也靖也表閎閎能以文字爲惠民異哉子才作
子木積疑得此快一申尚有惠安西表篆州州石頂青
嶙峋云在峯迴硤角際側足千丈流無垠西部掾碑李
禪字更援前閣連石門此碑果在西狹後舊疑不是空
斷斷小齋竟作蒼石壁薛書厯井捫星辰

長生未央漢輶歌題錢獻之所寄拓本

漢篆瓦多輶獨少長生瓦始歌 國初二林倡之諸公

和載考漢紀圖黃圖似聞搏埴蹟寡三蘭語堂本一再

摹甘泉昔考雲林子雍州近志排山朱土花光怪日騰

出寶氣何止千魯瑱爾來漸多媚學侶偏傍考訂窮錙

銖畢

秋王

述

嚴冬

張公

宋

芝

錢

獻

趙

晉

後先

投寄

來寶

蘇中賻中縣稱琢研應規應萬宜捺觚屏幃大小爛列

宿一甄於此豈可無錢郎自陝赴河洛包裹稜角周四

隅先於背勒觀者字何幸我得諸公俱儼然漢宮度漢

尺尺有四寸方形模雖同長生未央字瓦文宛轉甄則

殊上畫儼如屋有翼下垂縈似帶有餘參差之中又比

密橫以界道斜紋鋪想見綸連錯組繡玉階銅沓黃金

塗金釭銜壁燦行列列錢之制如此乎一枚可度千萬

戶邊損幸未傷犁鋤西京考工源陶板凝土氣尚交拊
埤終南九嶷半雲雨藻井溼蘚青糲糊二千年後飽箱
笈幾輩濡染來吾徒得歸錢家娛令叔潛研跋尾相軒
渠詩格諸老且莫擬鑒藏二林定弗如吾儕砥礪爲樸
學漢傳唐疏相爬梳菰林潤液日開洩寸田墾闢加膏
腴所以古軼作今研磨之琢之兆乃符拓本置之諸瓦
上方珪圓璧環籤厨篆煙蟠作吉祥字夜燭更仿芝英
書

北周造像石刻本二首

一云口年月日信口口
于永樂縣王口口敬造

觀世音像一區常願侍佛聞法云云一云天和
四年歲次己丑七月廿三日仙弟子王口敬造
觀世音像一區爲亡父託生西方現存母蓂命
延年益壽已身口口口日進三司家內大小康和

生生世世侍佛聞法女妃孃息王士口息王士
榮息王士寬居士淳于已皆正書橫刻

不聞畫帖譜宣和六代琬鐫剩幾多漢後唐前雲樹影
衣紋層疊指旋螺

天和書擅華山碑小字鈎深法有誰我訪北朝題像記
三公欲叩一家師

題邵二雲所藏童二樹寫生冊四首

童名鉅號樹道人

如此蘭亭始逼真生香交翠墨池春山陰雪意誰曾見

童道人今樹道人

用姜白石遇童道人事

墨梅底用追王冕泉譜還聞辨顧烜容易殘縑自哀輯

一枝巢影寫涼暄

亦有江翁善寫生天涯金石幾蘭盟篋中古幣歸何處

邗上新碑悵望情

去年聞童君所藏古泉將歸江蘇畦
今蔗畦亦下世其嗣君方來乞銘也

老友姚江手一編
畫梅詩畫又三年
從來臭味論千載
多在知音淡處傳